



HE PUKAPUKA POUAKO

TE HANGARAU



KAUPAE 1

92055 | Te whakaputa hanga hangarau.
(Ngā Whiwhinga: E 6)

Te Rā Tuku Aromatawai ā-Waho: Te Wāhanga 4 – I mua i te 28 o Oketopa, 2026

Te Whārangi Ihirangi

| | |
|--|-----------|
| He Kete Manarua..... | 2 |
| 92055 Te whakaputa hanga hangarau | |
| Te Tūmahi Aromatawai ā-Waho | 4 |
| Te Pae Tawhiti | 4 |
| Te Pae Tata..... | 4 |
| Ngā taipitopito | 4 |
| Te Horopaki | 5 |
| Te Paerewa Paetae | 7 |
| Te Tautuhinga Aromatawai ā-Waho | 11 |
| Te Whakatakotoranga Aromatawai ā-waho | 11 |
| Ngā Herenga Aromatawai ā-Waho | 12 |
| Te Motuhēhē o ngā mahi o ngā ākonga | 12 |
| Te Tāpaetanga me te Hāponotanga..... | 13 |
| He Mahere Aromatawai ā-Waho..... | 14 |



He Kete Manarua

Ko te **KETE** i pū mai i te pā harakeke, ā, he whakapapa tōna.

He **MANA** tōna, ā, e **RUA** hoki ōna āhuratanga. Ko ngā taonga tuku iho ka kohikohia e te ākonga, ka tahi. Ka rua, ko te whakapiki i te mana motuhake o te ākonga, o ōna hapū, o ōna iwi hoki.

He tāpaetanga ā-matihiko te āhua o te **KETE MANARUA** ka tukuna mai e te kura, ā, he kōpaki, he kiriata, he kōrero ā-waha, he rauata, he tuhinga, he pūrongo, he whakaaturanga, he rātaka, he mahi rangahau, he aha atu, he aha atu ngā momo tāpaetanga.

Ngā whakaahua

Nā Karlene Mackey.

Nō te ākonga o Te Hangarau Te Kaupae 1 2024 te mahi.



Te Hangarau

92055 Te whakaputa hanga hangarau

(Te Kaupae 1, Ngā Whiwhinga: E 6)

| Kairangi | Kaiaka | Paetae |
|---|---|--|
| Ka whakaputa hanga kounga hei whakaea i tētahi hiahia motuhake. | Ka whakaputa hanga whaitake hei whakaea i tētahi hiahia motuhake. | Ka whakaputa hanga hei whakaea i tētahi hiahia motuhake. |

Te Tūmahi Aromatawai ā-Waho

Te Pae Tawhiti

Ko te whakaputa hanga hangarau e ea ai i tētahi hiahia motuhake te whāinga matua o te aromatawai ā-waho nei.

Ko tā te mahi hanga hangarau he whakaea i ngā hiahia o te kiritaki. Mā te kaihanganga hangarau ōna hiahia e kapohia ake hei waihanga hanga hangarau.

Te Pae Tata

1. Whakatauria tētahi o ngā hiahia o te kiritaki hei **hanga hangarau**.
2. Whakaputahia he **hanga hangarau**.
3. Whakaatuhia ngā **pūkenga hangahanga**.
4. Tiakina ngā **taunakitanga** hei rau atu ki Kete Manarua.

Ngā taipitopito

Ngā mahi hei whakaoti mā te ākonganga

Ko ā te ākonganga mahi, he whai whakaaro ki tētahi o ngā hiahia o ngā hei hanga hangarau. He whakaputa i tētahi wahanga o te hanga hangarau, i te katoa rānei, e ea ai ngā hiahia.

Ngā pātai hei whakautu

- He aha te hanga?
- He ingoa tō te hanga?
- He aha te kaupapa o te hanga?
- He aha ngā rawa me ngā rauemi i whakamahia hei whakaputa hanga?
- He kōrero anō āu mō te hanga?
- He aha ngā pūkenga matua i whakamahia e koe hei whakaputa hanga?
- He aha ngā panonitanga i a koe e mahi ana hei whakapai ake te hanga?
- He aha i panoni ai?
- He aha te hua o ngā panonitanga?

Te Horopaki

Nō te ao Māori te Hangarau

Mātāmua te noho mai o te mātauranga Māori, ngā kōrero tuku iho, ngā tukanga me ngā tikanga Māori hei tūāpapa mō te hangarau.

Hanga hangarau:

Ko te [hanga hangarau](#) ko te hua o te mahi whakaputa taonga hangarau. I tēnei horopaki, e hāngai ana te hanga hangarau ki ngā tūmomo taonga Māori. Hei tauira: te whāriki, te kō, te piupiu, te korowai, te hoe, te heru, te taiaha, tētahi atu rānei.

Wāhanga hanga hangarau:

I tēnei horopaki, ko te [wāhanga hanga hangarau](#) ko tētahi wāhanga motuhake o te hanga hangarau. E kore pea e tāea te whakaoti i te katoa o tētehi hanga hangarau. Heoi, ka tāea pea tētehi wāhanga hirahira o te hanga hangarau me whai pūkenga e oti ai. Hei tauira: tētehi whāriki moroitī, te kakau o te kō, te whenu kotahi o te piupiu, te wahānga o te korowai, te kakau o te hoe, te ate o te taiaha rānei.

Pūkenga hangahanga:

I tēnei horopaki, ko te [pūkenga hangahanga](#) ko ngā pūkenga matatini e hāngai ana ki te whakaputa hanga hangarau.

Te Tukunga

Ka taea e te ākongā āna kōrero ā waha te tuku ā-kiriata mai rānei, āna tuhinga te tuku ā konae tuhituhi mai rānei hei whakamārama i tana hanga.

1. He kiriata (rānei):

- He kiriata, he kōrero ā-waha e 2 meneti neke atu rānei te roa.
- He konae kiriata tōna āhua - mp4 | mov | 5GB; te oro; te kiriata rānei.

2. He tuhinga (rānei):

- He konae tuhituhi – PDF (5-20 whārangi); te toi; te tuhi; te matihiko; te whakaaturanga; te ripanga rānei.

Ko ngā whakaahua: Ahakoa he kiriata, he konae tuhituhi rānei, ka tāpirihia e te ākongā ngā whakaahua e whai ake nei:

- E 4 (nui ake rānei) ngā whakaahua - ka kitea ā - muri, ā - mua, ā - runga, ā - raro hoki.
- Ka whakaatu hoki e kite ai i ngā wāhanga whai pūkenga, hei tauira: he hono whāriki, he tāpiki, he aukaha, aha atu aha atu.

Te Paerewa Paetae

Tau AS92055 Putanga 3

Whārangī 1 o te 4

Paerewa Paetae

Aronga Hangarau 1.4

Ingoa Te whakaputa hanga hangarau

Kaupae 1 **Whiwhinga** 6 **Aromatawai** Ā-waho

Marau akoranga Te Marautanga o Aotearoa

Kokonga akoranga Hangarau

Mana rēhita Kua rēhitatia **Te rā i mana ai** Hakihea 2023

Te rā e arotakengia ai Hakihea 2028 **Te rā i puta ai** Hakihea 2023

Te Whāinga

Ko te whāinga o tēnei paerewa paetae he whakaputa hanga hangarau hei whakaea i tētahi hiahia motuhake.

Paearu Paetae

| | |
|-----------------|---|
| Paetae | Hei tohu i te paetae: <ul style="list-style-type: none"> Ka whakaputa hanga hei whakaea i tētahi hiahia motuhake. |
| Kaiaka | Hei tohu i te kaiaka: <ul style="list-style-type: none"> Ka whakaputa hanga whaitake hei whakaea i tētahi hiahia motuhake. |
| Kairangi | Hei tohu i te kairangi: <ul style="list-style-type: none"> Ka whakaputa hanga kounga hei whakaea i tētahi hiahia motuhake. |

Kōrero Āpiti

- I ahu mai tēnei paerewa paetae i te Taumata 6 o Te Marautanga o Aotearoa (Te Tāhuhu o te Mātauranga, 2017). E hono ana ki te Papa Whakaako mō Hangarau kei: <https://ncea.education.govt.nz>.

*Whāinga Paetae**Ngā Āhuatanga o te Hangarau*

1. Ka tirohia ngā uara me ngā whakapono o iwi kē, ka:
 - whakahāngai ki te otinga
 - mōhio ki ngā whakaharatau
 - whakarite ki ngā hangarau a tangata kē
 - mārama ki ngā ārai me ngā huarahi wātea ka taea.
2. Ka tūhura i ngā āhuatanga matua o te tangata e pā ana ki:
 - ngā pūnaha, ngā tukanga rānei
 - te hiahia o ngā kiritaki
 - ngā rautaki whakatairanga ki te kiritaki.

Te Whakaharatau Hangarau

3. Ka arohaehae i ngā whakatakotoranga hoahoa whaiaro, ā ētahi atu hoki, hei āwhina.
4. Ka whakamātautau i ngā raraunga me ngā mōhiotanga hou kia puta ai he otinga tika.

- 2 E whai ake nei ngā whakamārama mō ngā paearu paetae:

| | |
|---|---|
| <p><i>Ka whakaputa hanga hei whakaea i tētahi hiahia motuhake.</i></p> | <ul style="list-style-type: none"> • Ka whakaputaina tētahi hanga ka whakaea i ngā hiahia o ōna kiritaki. • Ka whakatakoto kōrero e whakaatu ana i tōna mārama ki ngā hiahia o te kiritaki. • Ka parahautia ngā mahi, ngā whakatau, ngā aha atu rānei mā ngā mauhanga (ā-pepa, ā-matihiko, ā-ataata, mā tētahi atu ara rānei) e kitea ai āna mahi. |
| <p><i>Ka whakaputa hanga whaitake hei whakaea i tētahi hiahia motuhake.</i></p> | <ul style="list-style-type: none"> • Ka whakaaturia ngā āhuatanga o tētahi hanga kia mārama ai te tangata ki te whaitake o tōna āhua. • Ka parahautia ngā mahi, ngā whakatau, ngā aha atu rānei mā te āta whakarite mauhanga (ā-pepa, ā-matihiko, ā-ataata, mā tētahi atu ara rānei) e kitea ai āna mahi. |

| | |
|--|--|
| <i>Ka whakaputa hanga kounga hei whakaea i tētahi hiahia motuhake.</i> | <ul style="list-style-type: none"> • Ka whakaaturia ngā āhuatanga o tētahi hanga kia mārama ai te tangata ki te kounga o tōna āhua. • Ka parahautia ngā mahi, ngā whakatau, ngā aha atu rānei mā te whakarite nahanaha i ngā mauhanga (ā-pepa, ā-matihiko, ā-ataata, mā tētahi atu ara rānei) e kitea ai āna mahi. |
|--|--|

- 3 E whai ake nei ngā whakamārama mō ngā kupu me ngā kīanga whaitake matua o te paerewa nei:

| | |
|-----------------------|---|
| <i>kiritaki</i> | Te tangata, te hunga rānei, māna te hanga. |
| <i>mauhanga</i> | Ko ngā kōrero mō tētahi tangata, mō tētahi kaupapa rānei, he huinga raraunga rānei kua puritia ki tētahi wāhi, pērā i te kōpaki matihiko, i te kōpaki tānga pepa rānei. He nahanaha te pupuri i ngā mauhanga e māmā ai te tiki atu ina hiahiatia. Kei te whakamahia hoki hei tūmahi mō te pupuri pēnei i ēnei tūmomo kōrero. He wāhi nui ki te mauhanga i ngā parahautanga. |
| <i>taunaki</i> | Ina oti katoa ngā rangahau, ngā kōrero, ngā mauhanga te kohi me te tuhi, ko te taunaki tēnā. |
| <i>tukanga hoahoa</i> | He ara nahanaha ka whāia ki te hoahoa me te waihanga i tētahi hanga, tae atu ki ngā mauhanga ka puritia mōna. |

- 4 Arā ngā Tikanga Aromatawai mō tēnei paerewa paetae, kei: <https://ncea.education.govt.nz>.

Kōrero Whakakapinga

I whakakapingia ngā paerewa 91714-91718 e ngā paerewa 92052-92055.

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.

Tau

AS92055

Putanga

3

Whārangī 4 o te 4

- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233

Te Tautuhinga Aromatawai ā-Waho



| | |
|--------------------------------|---|
| Te Paerewa Paetae | 92055 |
| Te Ingoa o te Paerewa Paetae | Te whakaputa hanga hangarau |
| Ngā whiwhinga | E 6 |
| Te Marau | Te Marautanga o Aotearoi: Hangarau |
| Te Wāhanga Ako | Te Tukutuku Ako |
| Te Tukanga Aromatawai ā-Waho | He Kete Manarua |
| Ngā Momo Tāpaetanga ā-Matihiko | He konae tuhituhi – .PDF (5–20 whārangi) He kiriata – .mp4 .mov (<5GB) |
| Te Rā Tuku Aromatawai ā-Waho | Hei te 28 o Oketopa 2026 |
| Ngā Wātaka Aromatawai ā-Waho | 1. NCEA and School Assessment Timetable 2026 2. 2026 Examination Timetable dates and intra-year Assessment Timetable |

Te Whakatakotoranga Aromatawai ā-waho

Ko te whakaputa hanga hangarau e ea ai i tētahi hiahia motuhake te whāinga matua o te aromatawai ā-waho nei.

Ka mātāmua rā te kounga kitea i tētahi hanga hangarau nā te ākongā anō i hanga. Ka āta whakaaturia kia mārama ai te kaimātakitaki i te kiritaki, ā, ko te tangata, ko te hunga rānei, māna te hanga.

- Ka whakatakoto kōrero e whakaatu ana i tōna mārama ki ngā hiahia o te kiritaki.
- Ka parahautia ngā mahi, ngā whakatau, aha atu rānei mā ngā mauhanga (ā-pepa, ā-matihiko, ā-ataata, mā tētahi atu mauhanga rānei) e kitea ai āna mahi.

He taura ngā pātai e whai ake nei, hei akiaki i te ākongā ki te āta whakamārama mai i ngā āhuatanga o te hanga:

Te Pūrākau

- He aha te hanga?
- He ingoa tō te hanga?
- He aha te kaupapa o te hanga?
- He aha ngā rawa me ngā rauemi i whakamahia hei whakaputa hanga?
- He kōrero anō mō te hanga?

Te Pūkenga

- He aha ngā pūkenga matua i whakamahia e koe hei whakaputa hanga?

Te Panonitanga

- He aha ngā panonitanga i a koe e mahi ana hei whakapai ake te hanga?
- He aha i panoni ai?
- He aha te hua o ngā panonitanga?

Ngā taunakitanga

Te hanga hangarau:

Ka taea e te ākonga āna kōrero ā waha te tuku ā-kiriata mai rānei, āna tuhinga te tuku ā konae tuhituhi mai rānei hei whakamārama i tana hanga.

1. He kiriata (rānei):

- » He kiriata, he kōrero ā-waha e 2 meneti neke atu rānei te roa.
- » He konae kiriata tōna āhua - mp4 | mov | 5GB; te oro; te kiriata rānei.

2. He tuhinga (rānei):

- » He konae tuhituhi – PDF (5-20 whārangi); te toi; te tuhi; te matihiko; te whakaaturanga; te ripanga rānei.

Ko ngā whakaahua:

Ahakoia he kiriata, he konae tuhituhi rānei, ka tāpirihia e te ākonga ngā whakaahua e whai ake nei:

- E 4 (nui ake rānei) ngā whakaahua - ka kitea ā - muri, ā - mua, ā - runga, ā - raro hoki.
- Ka whakaatu hoki e kite ai i ngā wāhanga whai pūkenga, hei tauira: he hono whāriki, he tāpiki, he aukaha, aha atu aha atu.

Ngā Herenga Aromatawai ā-Waho

He mahi takitahi tēnei mahi me te whakatakoto taunakitanga mō te aromatawai ā-waho mā te ākonga.

Kia tutuki pai ai te Kete Manarua ā-matihiko nei:

- me whakaputa hei PDF;
- me noho te rahinga tuari ki raro i te 5GB e pai ai te tārewatanga o ngā mahi ki te Online Digital Submission Portal;
- me tika te whakaraupapatanga o ngā mahi;
- me tika te whakatakotoranga o ngā mahi (kia kua e noho tītaha, e huripoki rānei);
- me tāmāu te kiriata ki te tītohunga ata, otirā, kāore e whakaaetia ana te tukunga o te honongaitua i tōna kotahi.

[Using the new digital submission portal.](#)

Te Motuhēhē o ngā mahi o ngā ākonga

Me pēhea e mōhiotia ai te motuhēhē o ngā mahi a ngā ākonga? He tukanga, he taunakitanga me whai, e mōhiotia ai nā te ākonga ake āna mahi aromatawai ā-waho. Kia mataara ngā ākonga, ngā kaiako me te whānau hoki o te kura ki te motuhēhē o ngā mahi a ngā ākonga.

He māmā noa iho te tiki mahi a tangata kē, heoi, mā te mihi e whakaatu, e whakanui hoki i ngā tāngata me ngā puna awhina i puta ai ngā mahi a ngā ākonga.

Hei tauira:

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;

- He mihi ki ngā puna āwhina, ki ngā puna kōrero;
- Ngā momo puna awhina, puna kōrero rānei:
 - » he kōrero ā-waha: he uiui i ngā kaumātua, i ngā pakeke, i ngā rangatira, i ngā mātanga rānei;
 - » ngā pukapuka i whakaputaina;
 - » ngā pukapuka kāore anō i whakaputaina;
 - » ngā wāhitau ipurangi, ngā honongaitua rānei.

He kōrero anō kei ngā paetukutuku NZQA:

- [Authenticity: NZQA](#)
- [Myth 3 Managing authenticity: NZQA](#)
- [Authenticity of externally assessed standards: NZQA](#)
- [Guidance on the acceptable use of Artificial Intelligence: NZQA](#)

Te Tāpaetanga me te Hāponotanga

Ko ngā tāpaetanga Kete Manarua me mahi mā te pūnaha hou (kei te paetukutuku matua o MyNZQA): [Tāpaetanga pūnaha hou a MyNZQA.](#)

Kāore te Kete Manarua matihiko e whakahokia ki te ākongā. Mēnā he kōrero anō mō te tāpaetanga me te hāponotanga o te mahi, mā te tari o NZQA e pānui atu ki ngā kura.

Mēnā kei te hiahia āwhina te kura ki te tuku i ngā tāpaetanga o te Kete Manarua:

- Tīmērahia a assessment.service.centre@nzqa.govt.nz,
- waeahia rānei te NZQA Contact Centre i te 0800 687 296.

He Mahere Aromatawai ā-Waho

92055 Hangarau: Te whakaputa hanga hangarau

| Kairangi | Kaiaka | Paetae |
|---|---|--|
| Ka whakaputa hanga kounga hei whakaea i tētahi hiahia motuhake. | Ka whakaputa hanga whaitake hei whakaea i tētahi hiahia motuhake. | Ka whakaputa hanga hei whakaea i tētahi hiahia motuhake. |

Te Taunaki i te Aromatawai ā-Waho

| Kairangi | Kaiaka | Paetae |
|---|--|---|
| <ul style="list-style-type: none"> • Ka whakaaturia ngā āhuetanga o tētahi hanga kia mārama ai te tangata ki te kounga o tōna āhua. • Ka parahautia ngā mahi, ngā whakatau, hoki mā te whakarite nahanaha i ngā mauhanga ā-pepa, ā-matihiko, ā-ataata, mā tētahi atu ara rānei e kitea ai ngā mahi. | <ul style="list-style-type: none"> • Ka whakaaturia ngā āhuetanga o tētahi hanga kia mārama ai te tangata ki te whaitake o tōna āhua. • Ka parahautia ngā mahi, ngā whakatau, hoki mā te āta whakarite mauhanga ā-pepa, ā-matihiko, ā-ataata, mā tētahi atu ara rānei e kitea ai ngā mahi. | <ul style="list-style-type: none"> • Ka whakaputaina tētahi hanga • Ka whakatakoto kōrero e whakaatu ana i tōna māramatanga ki ngā hiahia o te kiritaki. • Ka parahautia ngā mahi, ngā whakatau, ki ngā mauhanga ā-pepa, ā-matihiko, ā-ataata, ā-ara kē atu rānei e kitea ai ngā mahi. |